

“Hududiy elektr tarmoqlari” AJ Boshqaruv raisining kapital qurilish bo‘yicha o‘rinbosarining jamiyat tizimi xodimlari, soha mutaxassislari hamda aholiga murojaati

Davlatimiz rahbari o‘z chiqishlarida “Jamiyatimizda korrupsiya, turli jinoyatlarni sodir etish va boshqa huquqbuzarlik holatlariga qarshi kurashish, ularga yo‘l qo‘ymaslik, jinoyatga jazo, albatta, muqarrar ekani to‘g‘risidagi qonun talablarini amalda ta‘minlash bo‘yicha qat‘iy choralar ko‘rishimiz zarur”, deya ko‘p bor ta‘kidlab o‘tadi. Shu ma‘noda, jamiyatda korrupsiyaga nisbatan murosasiz munosabatni shakllantirish, davlat va jamiyat hayotining barcha sohalarida korrupsiyaning oldini olishga doir chora-tadbirlarni amalga oshirish, korrupsiyaga oid huquqbuzarliklarni o‘z vaqtida aniqlash, ularga chek qo‘yish, ularning oqibatlarini, unga imkon beruvchi sabablar va shart-sharoitlarni bartaraf etish, korrupsiyaga oid huquqbuzarliklarni sodir etganlik uchun javobgarlik muqarrarligini ta‘minlash yo‘lida davlat va jamoatchilik birlashmog‘i, hamjihatlikda harakat qilmog‘i lozim. Umuman olganda, korrupsiyaviy yo‘nalishdagi huquqbuzarliklarga qarshi kurashish umummilliy vazifa bo‘lmog‘i lozim, deb hisoblayman.

O‘zbekiston Respublikasining “Korrupsiyaga qarshi kurashish to‘g‘risida”gi Qonuni esa bu borada vazifasini o‘taydi.

Bugungi kunda “Hududiy elektr tarmoqlari” AJ tomonidan barcha tarkibiy korxonalarda “Korrupsiyaga qarshi kurashish va komplayens nazorat xizmati” faoliyati yo‘lga qo‘yilgan bo‘lib, bu, o‘z navbatida, korrupsiyaga qarshi ichkaridan turib kurashish, salbiy oqibatlarga olib keluvchi korrupsion holatlarning oldini olishga xizmat qilishini ta‘kidlab o‘tish joiz.

Faoliyat yo‘nalishidan kelib chiqadigan bo‘lsak, o‘tgan qisqa davr mobaynida Jamiyat va uning tarkibiy filiallarida korrupsiyaga qarshi kurashish bo‘yicha 16 dan ortiq ichki idoraviy hujjat ishlab chiqilib, bugungi kunda amaliyotda keng qo‘llanilmoqda. Misol o‘rnida, 2021 yil 10 noyabrdan mavjud barcha bo‘sh (vakant) lavozimlarga malakali mutaxassislarni ochiq tanlov asosida ishga qabul qilish amaliyoti joriy etilgani, Jamiyatning rasmiy www.het.uz saytida tizimdagi korrupsion holatlarning mavjudligi, ularning ko‘rinishlariga baho berish hamda aholi fikrini o‘rganish maqsadida doimiy ishlovchi anonim so‘rovnoma o‘tkazish sahifasi joylashtirilganini keltirib o‘tish mumkin.

Shu bilan birga, “Hududiy elektr tarmoqlari” AJda 2021 yilda ISO 37001:2016 “Korrupsiyaga qarshi boshqaruv tizimi” va ISO 9001:2015 “Sifat menejmenti tizimi” standartlari joriy qilinib, 26 nafar rahbar va ishchi-xodim ISO 37001:2016 standarti bo‘yicha maxsus sertifikatlariga ega bo‘lgani jamiyatimizda korrupsiyaga qarshi kurashishda tizimli say-harakatlar olib borilayotganidan dalolat bermoqda.

Bundan tashqari, Jamiyatning elektr tarmoqlarini qurish, rekonstruksiya va modernizatsiya qilish, rivojlantirish jarayonida zamonaviy uskuna va ilg‘or texnologiyalarni jalb qilishni ta‘minlash va amalga oshirishda yagona siyosatini muntazam olib borish. Kapital qurilish masalalari bo‘yicha normativ-huquqiy xujjatalar loyihalarini Jamiyatning boshqarmalari bilan ishlab chiqishda rahbarlikni amalga oshirish. Yangidan va rekonstruksiya qilinadigan obyektlarni ornatilgan tartibda va o‘z vaqtida ekspluatatsiyaga topshirishni ta‘minlash, Davlat dasturlari, manzilli ro‘yxat va kapital qurilish rejalariga kiritilgan obyektlar bo‘yicha korxonalar tomonidan belgilangan vazifalarning bajarilishi, jamiyat va tizim korxonalarini avtotransport va mexanizmlar bilan ta‘minlanishi va korxonalarining ishlab chiqarish faoliyati uchun yetarliligini tahlil qilish, qurilish obyektlarini loyihaviy-smeta hujjatlari hamda ularning ekspertizadan o‘tkazilishini o‘z vaqtida ta‘minlanishi uchun nazoratni amalga oshirish, kapital qurilish bo‘yicha buyurtmachi-tashkilot va pudradchilarga topshiriqlarning o‘z vaqtida yetkazilishini ta‘minlanishini nazorat qilish,

moliyalashtirishning o'z vaqtida ochilishi, qurilayotgan obyektlarning loyiha-smeta hujjatlari bilan ta'minlanishi bo'yicha nazoratni amalga oshirish; qurilish ishlarini sifatini oshirish, qurilishda yangi, zamonaviy va progressiv usullarni joriy etilishi, ishlarni tashkillashtirishni takomillashtirish, loyiha-qidiruv ishlarini yaxshilash bo'yicha ishlarni muvofiqlashtirish va tashkillashtirish. eng muhim obyektlarning qurilishi, kengaytirilishi, sohani qayta qurish va texnik qayta qurilishini moliyalashtirish uchun sohaning yillik hamda istiqbolli investitsiya dasturlariga kiritilgan obyektlarning ro'yxatini shakllantirishni nazorat qilish, jamiyat korxonalari bilan pudratchi tashkilotlar o'rtasida qurilish-montaj va loyiha ishlariga shartnomalarni o'z vaqtida tuzilishini nazorat qilish kabi yo'nalishlarni korrupsiyadan xoli qilish bo'yicha samarali ishlar olib borilmoqda.

Fursatdan foydalanib, Jamiyatning barcha xodimlarini hamda kelajagimizga befarq bo'lmagan fuqarolarimizni qonuniylik, fuqarolar huquqlari, erkinliklari va qonuniy manfaatlarining ustuvorligi, ochiqlik va shaffoflik, tizimlilik, davlat va fuqarolik jamiyatining hamkorligi, korrupsiyaning oldini olishga doir chora-tadbirlar ustuvorligi va har qanday noqonuniy hatti-xarakatlarga nisbatan javobgarlikning muqarrarligi tamoyillariga tayangan holda, korrupsiyaga nisbatan murosasiz munosabatni shakllantirilishi jarayonlarida faol ishtirok etishga chaqirib qolaman.

Eslatib o'tmoqchiman, tizimdagi qonunbuzarlik va korrupsiya holatlariga duch kelsangiz, Jamiyatning 1154 raqamli "Ishonch telefoni" yoki "Korrupsiyaga qarshi kurashish va komplayens-nazorat xizmati"ning (78) 150-75-61 telefon raqami orqali murojaat qilishingiz mumkin. Har bir murojaat qonunda belgilangan tartibda shaxsiy nazoratim ostida ko'rib chiqiladi.

Dilshodjon Nosirov,
"Hududiy elektr tarmoqlari" AJ Boshqaruv raisining o'rinbosari.